

SUPERINFO

1.BH. BESPLATNE NOVINE

Petak, 25. mart 2011 / broj 107

tel. 061 788 088, 063 992 100

Interview



**Sigurnost
građana je
prioritet**

str. 3



**CISO za
nezaposlene**

Centar za informiranje, sa-
vjetovanje i obuku (CISO)
Zenica otvoren je u zgradi
JU Službe za zapošljavanje

str. 5



**Otvoreno
Zeničko proljeće**

Počela je 16. međunarodna kulturna manifesta-
cija "Zeničko proljeće" koja
će do 12. aprila ponuditi 35
programa.

str. 16



Zlato u Sofiji

Najbolji bh. atletičar Hamza Alić pobjednik je 11. evropskog zimskog kupa u bacačkim disciplinama u Sofiji

str. 14

Zenica proslavila rođendan

Zenica je proslavila svoj rođendan. Iako postoje mnogi tragovi o postojanju naselja na području današnje Zenice još iz rimskog doba, 20. mart 1436. godine je datum kada se prvi put u pisanim dokumentima pominje ime Zenica. Taj dokument se čuva u Dubrovačkom arhivu. Tim povodom Zenici je održan niz manifestacija, a svečanost je započela u velikoj sali Općine Zenica gdje je održana svečana sjednica Vijeća općine Zenica na kojoj su uručena javna priznanja. "Nagradu Zenice" dobili su Regija Piemonte i Udruženje prijatelja u BiH Antena Piemonte Bosnia, te Semiz Šišić, generalni direktor Privrednog društva Metalno d.d. Zenica. Jav-



no priznanje „Plaketa Zenice“ dodijeljeno je Novinsko izdavačkom i privrednom društvu „Naša riječ“ d.o.o. Zenica, te Edinu Šariću, predsjedniku Saveza izviđača općine Zenica. Priznanja su uručili predsjedavajući OV Nebojša Nikolić i načelnik Husejin Smajlović.



Kup za rođendan grada



na, i Josipa Bura sa devet. Kod Jedinstva Zdenka Kovačević je dala 14, a Azra Bečirović 13. U polufinalu Zeničanke



su prosto pre-
gazile aktuelnog
bh. šampiona – Že-
ljezničara (prvi put u

Kupu BiH pobijedile
sarajevske plave)
i slavile rezultatom 72:49.
Sudeći prema onome što
smo vidjeli tokom završnog
turnira Kupa, Čelik je
apsolutni favorit i u utrci za
prvaka BiH.

NOBEL
CORPORATION
nagradite sebe

Rješenje pitke vode za cijeli život!

Rent-A Filter



*"Nagradite sebe" filterom,
ne budite filter!*

RENT-A FILTER NOA 5:

sistem besplatan, na korištenje
voda bez kamenca, klora, metala, 100 lit/24h
ugradnja ispod sudopera
ugradnja 117,00 KM
sporazumnoi servis 2 puta godišnje

Nobel Corporation doo • adresa: BIH-88000 Mostar, Bleiburških žrtava 27d • telefon: (387 36) 328 044
telefon/fax: (387 36) 320 556 • mobitel: (387 63) 312 605 • e-mail: filteri@nobel.ba • www.nobel.ba

INTERVIEW
RIFAT DELIĆ

Novi ministar unutrašnjih poslova ZDK Rifat Delić naš je sagovornik u rubriци Interview sedmice. Najavljeni štrajk policajaca, obezbjeđenje nogometne utakmice BiH - Rumunija, prioriteti u radu MUP-a, teme su razgovora.

SUPER Kako biste ukratko ocijenili prvih nekoliko sedmica rada na poziciji prvog čovjeka MUP-a ZDK?

„Ako vam kažem da za ovi dvadesetak dana, otkako sam preuzeo dužnost, kući dolazim uglavnom iza 21 sat, biće vam malo jasnije koliko aktivnosti smo započeli, kako bi sve što smo planirali na kraju i ostvarili. Bilo je i svečanosti, dobili smo više od pedeset novih policajaca, a samo dan kasnije suočili smo se sa najavom sindikata o štrajku. Iako je uobičajeno je da se svakoj vlasti omogući period od stotinu dana da pokaže s kakvima namjerama i ambicijama se prihvata posla, ja sam se već osmi dan rada suočio sa štrajkom za čiju su realizaciju pripreme davno počele, ali ostvaruje se danas.“

SUPER Kako ocjenjujete zahtjeve sindikata i kakve su realne mogućnosti da se dogovor postigne?

„Ključni problem je Zakon o plaćama policijskih službenika i izjednačavanje primanja policajaca na teritoriji Federacije BiH. Njegova primjena u ZDK je nerealna, prema projekcijama budžeta koje imamo u ovom trenutku. Ova vlasta krajem juna će podvući crt i sačiniti presjek realnih prihoda i rashoda, na osnovu čega ćemo imati jasniju sliku o stanju u našem kantonu. Nacrt pomenutog Zakona ide u maju u redovnu proceduru, a razgovarat ćemo sa sindikatom da se primjena odloži do onog momenta kada ona bude realna. Kada je u pitanju isplata naknada za noćni rad, Kolektivnim ugovorom iz 2006. godine dogovoreno je da se naknade podignu za 10 posto, a da se svake godine pregovara o eventualnom povećanju, kako bi u konačnici noćni rad bio plaćen 30 posto više od redovnog dnevнog rada. Proteklih godina pregovora ove vrste nije bilo, a trenutno se noćni rad plaća 10 po-



sto više, što je u skladu sa finansijskim mogućnostima. Moram reći da sam svakodnevno u kontaktu sa sindikatom koji definitivno ide u štrajk, ali izvjesno je da će se i nakon tog datuma pregovori nastaviti i zajednički ćemo tražiti rješenja.“

SUPER Hoće li štrajk ugroziti sigurnost utakmice BiH i Rumunije?

„Utakmica će sigurno proteći bez bilo kakvih problema, bez obzira na štrajk. Kompletna uprava policije učestvovat će u obezbjeđenju, uprkos štrajku, a uz dovoljan broj policajaca na licu mesta imat ćemo i oko 300 zaštitara. Uobičajeno je da nam u ovakvim situacijama dolaze i pojačanja iz drugih kantona, a već smo u organizaciji NS BiH imali sastanke na kojima su dogovoreni detalji i zaduženja svih učesnika u obezbjeđenju utakmice. Također, moram reći da štrajk policajaca neće ugroziti sigurnost građana, policijske patrole bit će prisutne na terenu, nesmetano će raditi šaltere i sistem CIPS.“

SUPER Gdje vidite prioritete u radu MUP-a ZDK do kraja ove godine?

„Za ovu godinu urađen je Program rada za koji odgovorno tvrdim da će biti sproveden u potpunosti. Među značajnijim aktivnostima je početak izgradnje zgrade Policijske uprave u Kaknju, zatim preseljenje ureda CIPS-a u Žepču i Zavidovićima, jer u ovim gradovima plaćamo kiriju, tako da se radi o investiciji koja ima opravdanje. U Zenici, kroz razgovore sa načelnikom Smajlovićem i njegovim saradnicima rješavamo pitanje dozvola za dogradnju našeg postojećeg ureda CIPS-a i instaliranje većeg broja šaltera, kako bi gužve, redovi i višesatna čekanja na izdavanje dokumenata postala stvar prošlosti. U proteklom periodu opravdanim se pokazala i nabavka mobilnih i stacionarnih radara, a sa ovom praksom ćemo i nastaviti, jer se na ovaj način značajno unapređuje sigurnost učesnika u saobraćaju, ali i ostvaruju finansijski efekti.“

SUPER Kako ocjenjujete saradnju policijske cije i građana?

„U sastancima sa načelnicima policijskih uprava i komandirima policijskih stanica insistir ćemo da se Zakon o javnom redu i miru provodi u najvećoj mogućoj mjeri. Lična i imovinska sigurnost građana je apsolutni prioritet i poduzet ćemo sve mjeru kako bi ona bila na većem nivou nego do sada. Mogu garantovati da rezultati neće izostati. Kada su u pitanju policajci, putem upitnika čije će popunjavanje biti potpuno anonimno, nastojat ćemo i od njih samih čuti prijedloge šta treba mijenjati i gdje su problemi s kojima se najčešće susreću. Svakako, omogućit ćemo i da građani kažu svoje mišljenje. Naši građani kada se susretnu sa službenicima policije moraju dobiti utisak da se zakon jednako primjenjuje prema svima. Imamo dosta spremnih projekata čija bi realizacija trebala doprinijeti tome. Ako to uspijemo, moći ćemo reći da smo na pravom putu da izgradimo policiju koja ima obilježja moderne evropske policije.“

aysun *Udjepšajte svoj svijet*

Prve zeničke brigade br. 3 (Babina Rijeka, pored Monte Carla), Tel: 061/769-308, 063/292-094

U aprilu i maju po specijalnim cijenama nudimo:

- | | | |
|---|--------|--|
| - njega lica
(<i>parenje, piling, maska, masaža i serum</i>) | - 10KM | - tretman protiv peruti |
| - pedikura, manikura | - 10KM | - tretman za revitalizaciju vlasista |
| - relax masaža, 45 minuta | - 10KM | - anticelulitni tretman 45 minuta
(<i>wrapping, termo deka, masaža</i>) |
| - čoko masaža, 30 minuta | - 10KM | - 5KM
- 5KM
- 20KM |



Novi policajci

MUP ZDK je izvanično jači za 51 policijaca koji su položili zakletvu na svečanosti održanoj u sali Stručne industrijske škole. Naime, ovim kadetima se nakon uspješno završene obuke na Policijskoj akademiji u Sarajevu



dodjeljuje čin „policajac“ u MUP-u ZDK. Na svečanosti su bile postrojene policijske jedinice, a policijski komesar Fahrudin Bećirović će podnijeti raport ministru Rifatu Deliću. Izvedena je i pokazna vježba pripadnika Jedinice za podršku. „MUP je bogatiji za stručne mlade kadrove od kojih očekujemo da svojim znanjem, radom, zalaganjem doprinesu još boljim rezultatima rada Ministarstva u cijelini“, kazao je ministar MUP-a ZDK Rifat Delić. Premijer ZDK Fikret Plevljak je naglasio da se nuda da će u periodu koji je ispred nas imati više ovakvih manifestacija koje će svima nama ulijevati osjećaje optimizma, dostojanstva i entuzijazma, koji su potrebni da bi se progres u društvu konstituiraо i vodio.




Institut za privredni inženjering d.o.o.
Fakultetska 1, Zenica, Bosna i Hercegovina
tel. ++387 (0)32 445-600, fax: ++387 (0)32 445-601
www.ipi.ba, info@ipi.ba

Stručna institucija za nadzor rada stanica tehničkih pregleda vozila u FBiH

"IPI-Institut za privredni inženjering" d.o.o. Zenica je firma za istraživanje i eksperimentalni razvoj, planiranje i projektovanje, konsulting i edukaciju. Osnovan je sa idejom da se promovišu naučni i stručni potencijali, akumulirana znanja i iskustva, te infrastruktura Mašinskog fakulteta i Univerziteta u Zenici, kao i ostalih stručnih potencijala iz cijele BiH.

Dio prenesenih ovlasti po odluci Vlade FBiH, koji se rade u koordinaciji sa Federalnim ministarstvom prometa i komunikacija su:

- stručno ospozobljavanje kontrolora i voditelja,
- kontrola izvršenog bažđarenja na STP-u,
- statistička obrada podataka,
- izrada uputstava i stručnih publikacija,
- uvezivanja stanica za tehnički pregled vozila i drugih zainteresovanih subjekata u jedinstven informatički sistem.



video nadzor na STP-u

ISO/IEC 27001:2005

GMK gradi Kakanj

Ugovor o izvođenju završnih građevinsko-zanatskih i instalatorskih radova u prizemlju objekta gradske galerije i omladinskog centra potpisali su načelnik Mensur Jašarspahić i Mirsad Bjelopoljak, direktor "GMK" Kakanj. Vrijednost radova iznosi nešto više od 60 hiljada KM, a izvođač radova se obavezao da će rade završiti u roku od 30 dana od dana uvođenja u posao.



Toplana

Najkasnije do mjeseca maja će biti završena izrada glavnog projekta za buduću Toplanu u Zenici, a u drugoj polovini aprila planirano je potpisivanje ugovora sa izvođačem radova, izjavio je Haris Mašić, direktor preduzeća KTG Zenica. Priprema gradilišta u krugu bivše „Željezare“ Zenica uslijedit će tokom ljeta, a najesen i početak radova, potvrdio je Mašić.

Nezaposleni

Premja evidenciji Službe za zapošljavanje ZDK, na početku marta u 12 općina ZDK-a bez posla je bila 67.281 nezaposlena osoba, od kojih pravo na novčanu naknadu trenutno koristi 2.188 osoba. Bez zaposlenja je 1.680 osoba s visokom stručnom spremom, među kojim je najviše, po 300, diplomiranih pravnika i ekonomista. U Zenici je bez zaposlenja 22.213 osoba.

EL TIC d.o.o.

FISKALNE KASE

VEĆ OD:
499 KM VPC
585 KM MPC

SERVIS
ODRŽAVANJE
PRODAJA

RAČUNARI
MONITORI
PRINTERI

FAKULTETSKA 32, ZENICA, BIH
KONTAKT TELEFON: 032 442 390

ISO/IEC 27001:2005

Proletno čišćenje Zenice

Ovogodišnjoj, 16. akciji Proletnjeg čišćenja grada, kao i uvek do sada, odazvali su se građani Mjesne zajednice Centar koji su izašli ispred svojih zgrada i čišćenjem zelenih površina dali doprinos akciji. Drugu godinu zaredom provođenje akcije u zeničkoj MZ Centar svojim učešćem podržavaju i članovi Udruženja za zaštitu okoliša Koraci i EKO sekcijs srednje Ekonomiske škole i Osnovne škole Vladimir Nazor. Voda eko sekcijs Aldin Telalović održao je skraćeni čas na otvorenom na temu: "Značaj ekološke edukacije". Povodom 22. marta - Svjetskog dana voda prisutna je i naglašena potreba i značaj zaštite vode. Po završetku akcije predstavnici udruženja Koraci svim učesnicima su, uz pomoć svog sponzora, uručili skromne poklone i prikladne promotivne letke.



Izrada termofasade na odgodjeno plaćanje!

EOTA
CERTIFIKOVAN
KVALITET

Integra
Z E N I C A

Ulica ZAVNOBIH-a 78a, naselje BRIST
Tel: 032/407-987, Fax: 032/449-193, GSM: 061/841-524, 061/781-313

S. SPEKTRA®

HELIOS

Kakanjski požari

Profesionalna vatrogasna jedinica Kakanj efikasno je ugasila šumske požare u Bičeru, Haljinićima, Grgićima, Čalucima, Poljicama, Crnču, Lučanima, Barama, Ružićima, Rojinom potoku, Donjem Kaknju, Kalfićima. Požari su izbijali bez obzira na upozorenja da građani strogo kontrolišu izvođenje proletnih radova na njivama ili u vrtu. Savjest kod neodgovornih Kaknjaca mogla bi probuditi samo kazne koje su predviđene Zakonom o zaštiti od požara FBiH.



CISO za nezaposlene

Centar za informiranje, savjetovanje i obuku (CISO) Zenica, četvrti ove vrste od 16 koliko ih je predviđeno u BiH, otvoren je na svečanosti održanoj u zgradi JU Službe za zapošljavanje ZDK, gdje je Centar i smješten. Centar će biti mjesto gdje će se mladim nezaposlenim osobama omogućiti pristup uslugama: savjetovanja, informiranja i profesionalnog



ospozobljavanja, a sve u cilju aktivnog traženja i pronašlaska posla. Tokom 2011. godine više od 2.000 mladih nezaposlenih osoba starosti od 15 do 30 godina, dobit će informacije o slobodnim radnim mjestima, mogućnostima za poslovljavanja i obrazovanja u zemlji i inostranstvu, pristupu internetu u cilju traženja posla, individualno savjetovanje i rad u grupi, infomatičke obuke i učenje stranih jezika. Simboličnim presijecanjem vrpce Centar je otvorio Fikret Plevljak, premijer ZDK.

Svjetski dan voda

U povodu 22. marta, Svjetskog dana voda, ispred zgrade Općine Tešanj održana je promocija tešanskih voda i slatkiša. Organizatori su Općina Tešanj i proizvođači mineralnih voda (Oaza, Princess, Tešanjski dijamant, Tešanjski kise-ljak, Celvik) sa područja općine Tešanj, zatim firma AS Jelah (slatkiši) i članovi Udruženja EKO MLADI.

"Na ovaj način Općina Tešanj želi još jednom istaći važnost pitke vode i zdrave hrane, a sve u cilju dostizanja vizije Tešnja kao sredine sa visoke ekološke svijesti, čistoće i reda.", kazao je saradnik za ekologiju u Općini Tešanj Sabahudin Omerbašić. U svojoj poruci koju je ovim povodom uputio načelnik Fuad Šišić, između ostalog je rekao: "Svjetski dan voda 2011 je posvećen kvaliteti i isticanju važnosti vode, kao i dostupnošći vode u okviru cijelovitog upravljanja vodnim resursima. Ovo je prilika da i mi na lokalnom nivou još više obratimo pažnju na značaj vode."



Otvoreno Zeničko proljeće

Počela je 16. međunarodna kulturna manifestacija "Zeničko proljeće" koja će do 12. aprila ponuditi 35 programa. Manifestacija je otvorena revijalnom izložbom likovnih radova mlađih autora u obnovljenom ruhu zeničke Sinagoge. Čast da simboličnim presijecanjem vrpce i zvanično otvore vrata obnovljene Sinagoge, pripala je američkom ambasadoru u BiH Patricku Moonu, predsjedniku Jevrejske zajednice u Zenici Jakobu Montilju i načelniku Husejinu Smajloviću. "Zahvaljujem se što sam dobio priliku da učestvujem u događaju koji osvjetljava istoriju multikulturalnog života u BiH. Poput BiH, i SAD su multietničko i multikulturalno društvo. Kao što je predsjednik Obama rekao u



svom inauguralom govoru, naše šaroliko nasljeđe i snaga, nas su oblikovali svi jezici i kulture. BiH također mora naći snagu u nasljeđu koju su oblikovali različiti jezici i kulture i naći načina da cijeni tu različitost na svom putu prema funkcionalnom i multikulturalnom i demokratskom društvu", rekao je američki ambasador, dodavši kako je općina Zenica napravila korak prema tome, finansirajući renoviranje zgrade Sinagoge i nastojanja da zaštiti kulturno nasljeđe zeničke jevrejske zajednice.

Superinfo vas educira

Poštovani čitaoci,

Narkomanija je veoma kompleksna i dugotrajna bolest. Njene posljedice su fizičke, mentalne, emocionalne, duhovne, itd. U porodiči ovisnika raste napetost, bespomoćnost, beznađe, tuga, konflikti su svakodnevница, itd. Kako bolest napreduje rastu i potrebe ovisnika za sve većim količinama droge. To vuče i sve veću potrebu za novcem, a kada redovni izvori finansiranja „presuše“ ovisnik/ovisnica često poseže za krađom, prostitucijom, otimanjem imovine, preprodajom droge, itd. Slijedeći poslovicu da je „bolje sprječiti nego liječiti“ JZU Kantonalni zavod za borbu protiv bolesti ovisnosti Zenica provodi preventiju putem predavanja, seminara, interneta, štampanih i video materijala, itd. Želimo i putem Superinfo prenositi znanja o narkomaniji. Vjerujemo da će roditelj informiran o narkomaniji lakše komunicirati sa djetetom, dati mu pravovremenu informaciju, prevenirasti nastanak narkomanije... Educirani roditelj će na vrijeme prepoznati nastanak bolesti i na vrijeme potražiti pomoć. U narednim brojevima pisat ćemo o uzrocima narkomanije, posljedicama, važnosti grupe vršnjaka, dejstvu droga, mogućnostima liječenja i pomoći, itd. Ovim putem najavljujemo i pokretanje web-foruma koji će omogućiti kontinuiranu razmjenu informacija. Ostavljamo mogućnost i Vama da nam pišete, komentarišete ili tražite da pišemo o specifičnim temama. Dobro došli u kontinuiranu edukaciju putem Superinfra!



Znaci upozorenja!

Na vrijeme prepoznata bolest i rana intervencija povećavaju vjerovatnoću za uspješno liječenje. Izdvajamo nekoliko promjena koji mogu biti povod za traženje stručne pomoći:

- zakrvavljenje oči, izrazito proširene ili sužene zjenice, poremećaj ritma prehrane i spavanja,
- smanjenje interesa za prijašnje aktivnosti i hobije, sklonost laganju, kradbi, problemi sa policijom, smanjenje motivacije, nedostatak energije i samodiscipline,
- učestala bezrazložna ljutnja, nasilničko ponašanje, razdražljivost ili povlačenje u samoču, slaba komunikacija sa bliskim osobama, itd.


Dragi roditelji, ovo je samo dio znakova narkomanije. **Ne ustručavajte se potražiti savjet stručnjaka** (Zavod, centri za mentalno zdravlje, centri za socijalni rad, savjetovališta, bolnice, itd.).

JZU Kantonalni zavod za borbu protiv bolesti ovisnosti Zenica je formiran odlukom Vlade ZDK kantona 05.12.2005. godine kao odgovor na narastajući problem narkomanije i bavi se prevencijom, liječenjem i rehabilitacijom ovisnika. Informacije je moguće dobiti na telefone: 032 244 544 ili 032 444 910. Također je dostupna i web-stranica: www.zedo-ovisnost.ba.

Izdvajamo nekoliko statističkih podataka: Ukupno registrovanih ovisnika na području kantona: **578**. Kontinuirano na kontroli: **310**. Na bolničkom odjelu liječeno: **161**. Educirano više od **1400** nastavnika na prostoru kantona, više od **300** vjerskih službenika...



World Tuberculosis Day (24. mart) obilježava se sa ciljem podizanja svijesti javnosti da je tuberkuloza u velikom dijelu svijeta do danas ostala epidemija uzrokujući 1.6 miliona smrtnih sučajeva svake godine, većinom u zemljama trećeg svijeta. Krajem 19. vijeka od tuberkuloze je umirao svaki sedmi stanovnik SAD-a i Evrope. Dr. Robert Koch je 24. Marta 1882. godine u Berlinu objavio otkriće da tuberkulozu uzrokuje bacil tuberkoloze, što je predstavljalo najznačajniji korak u kontroli epidemije i suzbijanju ove, u to vrijeme, veoma smrtonosne bolesti. Stotinu godina kasnije, 1982. godine Međunarodna unija za borbu protiv tuberkuloze i drugih plućnih bolesti (IUATLD) predložila je da se 24. mart zvanično proglaši Svjetskim danom borbe protiv tuberkuloze, što je prihvaćeno.



- Tuberkuloza je zarazna bolest koja se širi zrakom, ako se ne liječi, svaka osoba oboljela od tuberkuloze zarazi, u prosjeku, 10-15 osoba svake godine.
- Tuberkuloza je bolest siromaštva, a uglavnom oboljevaju odrasli u najproduktivnijim godinama života.
- Prosječno svakog sata 7 osoba umre od tuberkuloze.
- Tuberkuloza je glavni

ubojica osoba zaraženih HIV-om čiji je imunitet oslabljen. Tuberkuloza ili TBC je bolest uzrokvana bakterijom Mycobacterium tuberculosis. Bakterija u prvom redu zahvaća pluća, iako praktički može zahvatiti bilo koji organ: limfne čvorove, kožu, mozak, kosti i zglobove, probavni, mokračni i genitalni sistem.

Tuberkuloza je kapljica infekcija koja se širi zrakom od bolesnih na zdrave ljude. Udsajem inficiranih kapljica, bakterija tuberkuloze dospije u pluća i tamo se razmnožava. Iz pluća bakterija može krvlju dospijeti i u druge dijelove tijela kao što su bubrez, kralješnica ili mozak.

U plućnoj tuberkulozi znakovi bolesti su dugotrajni, traju više od 3 sedmice. Uglavnom su prisutni:

- kašalj
- bolovi u grudima
- iskašljavanje sukrvice
- Ostali znakovi TBC bolesti:
- opća slabost
- ubrzano umaranje
- gubitak tjelesne težine i apetita
- tresavica
- vrućica
- noćno znojenje



LOV - LOKALNO OMLADINSKO VIJEĆE REGIJE ZENICA

«10 godina omladinskog aktivizma, altruizma i patriotizma»

«Srce na teren
noće boje branite,
jedan uz drugog
uvijek hrabro stonite.
Hrabro ste srca
dio priče Sajne,
Zmajevi plavili
naše Jedne i jedinice...»

WELCOME DOBRODOŠLI

ZENICA - SPORTSKI CENTAR Bosne i Hercegovine

RM - LH VGT OSIGURANJE ALBA Zemica AUTO ŠKOLA "IZD" HIFA TERANJ

Visoko bez kolektora

Radovi na izgradnji gradskog kolektora, nakon što su prošle godine svečano započeti u visočkoj Adi, nisu odmakli već su "unazadjeni" velikim poplavama koje su zabilježene tokom ove zime, kada je visok vodostaj doveo do odvajanja određenog broja betonskih cijevi. Nažalost, ni do danas to nije riješeno, pa kanalizacija izlazi i curi na nekoliko strana. Prema nezvaničnim informacijama, radovi nisu nastavljeni jer je projekt vraćen na doradu.



Europa u školi



U sklopu projekta „Europa u školi“, koji implementira Europski pokret u BiH, a financira Europska Unija, u radnoj posjeti Žepču boravio je austrijski veleposlanik u BiH, dr. Donatus Köck. Delegaciju su ugostili općinski načelnik Mato Zovko i predsjedavajući OV - Muhamed Jusufović. Pored tema vezanih uz projekat „Europa u školi“, bilo je govora i o poslovnoj suradnji između općine Žepče i Republike Austrije, koje već imaju dobru suradnju na brojnim poljima, a između ostalog, načelnik je austrijskog veleposlanika upoznao

i sa poslovnom zonom „Polja“ kao i mogućnostima koje ona pruža. Delegacija je posjetila i KŠC „Don Bosco“ Žepče, gdje je veleposlanik Köck održao predavanje učenima završnih razreda o iskustvima Austrije vezanim uz EU. Inače, ideja projekta „Europa u školi“ je da se kroz kombinaciju tradicionalnih i novih modela interaktivnih metoda obrazuju i informiraju mlađi ljudi o temama vezanim za EU – povijesti europskih integracija, institucijama i organizacijama kao i o ulozi i trenutnom položaju BiH u procesu europskih integracija.

Pomjeranje sata

Ljetno računanje vremena počinje u nedjelju, 27. marta, u 2.00 sata, kada će kazaljke biti pomjerene jedan sat unaprijed. Prelazak na ljetne i zimsko računanje vremena prvi put je zabilježen 1916. godine u zemljama na sjeveru Evrope, a do sada je uvedeno u oko 70 zemalja kako bi se uštedila energija time što će se period dnevнog svjetla sa ranih jutarnjih sati "premjestiti" naveče.

Solidarnost

Među prvim sredstvima koja su uplaćena na račun Crvenog križa ZDK, a na ime pomoći narodu Japana, bila je doznaka s računa Privredne komore ZDK. Prema riječima Hajrudina Skendera, predsjednika Skupštine i Šefkije Botonjića, predsjednika Privredne komore ZDK, radi se o novcu za isplatu dnevica članovima Skupštine. „Članovi Skupštine odlučili su da se odrekнем dnevnicu da bismo dali doprinos i pomogli stradalim stanovnicima prijateljske nam države Japan“, izjavio je Botonjić.

Akcija u Busovači

Povodom Svjetskog dana voda, članovi Udruge sportskih ribolovaca Busovača uz pomoć JKP Komunalac, čistili su i uređivali obale rijeke Lašve, odnosno dijela koji se nalazi u sklopu revira "IP OKO". I za subotu, 26. ožujka najavljeni su nove akcije i to na području MZ Gusti Grab gdje će se čistiti i uređivati izvorište vode "Zlatino vrelo". Meteorolozi najavljaju više temperature i pravo proljetno vrijeme, zato dajte svoj doprinos za čišći i ljepši okoliš.



Sretni dani

Predstava "Sretni dani" u izvedbi Omladinske scene Teatra "Total" iz Visokog odigrana je u prepunoj sali Gradske kine Visoko. U pitanju je juniorska ili srednjoškolska postava visočkog teatra, koja ostvaruje i zapažene nastupe. Autor predstave je Klod A. Piže, dok režiju "potpisuje" profesorica bosanskog jezika Vera Muzaferija. Zanimljivo je da je ovom predstavom prije 35 godina, a u režiji prof. dr. Gordane Muzaferija, označen tadašnji početak rada Teatra "Total" iz Visokog.

Opasnost od požara

Zbog sve učestalijih šumskih požara na području općine Zenica, Služba civilne zaštite upozorila je građane, posebno seoskih i prigradskih mjesnih zajednica, da prilikom izvođenja proljetnih radova na livadama i njivama, vode računa da spaljivanje ne vrši u blizini šuma, kako se vatrica zbog nehata ne bi prenijela na šumu ili građevinske objekte, te da spaljivanje trave izvode pod strogim nadzorom i oprezom. Protiv osoba za koje se ustanovi da su spaljivanjem trave i korova izazvali šumski požar sa materijalom štetom će biti pokrenut krivični postupak, upozorava Služba CZ Općine Zenica.

Nova kolica

Košarkaški invalidski klub Bosna iz Zenice dobila je kao donaciju sportska kolica vrijednosti oko 7.000 maraka. Donator je ortopedска kuća Otto Bock Adria iz Sarajeva čiji su ljudi prepoznali potrebu ovakvih sportskih kolektiva, kao što je KIK Bosna za specijaliziranim kolicima za igranje košarke. Muamer Čičak sekretar KIK Bosna Zenica je istakao kako sa skromnim budžetom kakav ima KIK Bosna "nikada ne bi bili u prilici da kupimo jedna ovakva kolica", te da im ova donacija znači puno.



AURA - KBE Zenica

Tel: 062/363-808, 061/448-130
www.kbe.ba
aurakbe@yahoo.com

Njemački
PVC prozor
za naš džep



Al-u roletna
Šestokomorni sa
troslojnim staklom
i tri dihtunga !!!



Žaluzine i
trakaste zavjese



Ulažna vrata



Izrada u boji
Sigurnosna vrata



PVC stolarija



Sekciona i rolo garažna vrata

BRŽI FLAT

JOŠ VEĆE BRZINE PRI NEOGRAĐENOM
KORIŠTENJU KABLOVSKOG INTERNETA
UZ ISTE MJESEČNE NAKNADE

ZAŠTO TELEKABEL?
besplatan priključak u roku od 24 sata, ugovor bez obavezujućeg
roka korištenja usluge, korištenje modema bez naknade, brza i
pouzdana korisnička podrška, sve cijene sa uračunatim PDV-om

MINI FLAT:

1024/1024
+ 512/256

5GB download/5GB upload
flat rate na fer osnovi = 19,95 KM

FLAT:

3072/384

flat rate na fer osnovi = 29,95 KM

PLUS FLAT:

4096/512

flat rate na fer osnovi = 39,90 KM

MAX FLAT:

6144/768

flat rate na fer osnovi = 49,80 KM

BUSINESS FLAT:

3072/512

flat rate na fer osnovi = 34,98 KM

TELEKABEL

Štrosmajerova 14, Zenica, Telefoni: 032/446-110, 032/446-111, www.telekabel.ba, info@telekabel.ba

Tešanjsko proljeće

Tradicionalnim polaganjem cvijeća na mezar Muse Ćazima Čatića u Tešnju i recitalom učenika literarne sekcije istomene Gimnazije počela je manifestacija Tešanjsko proljeće. Cvijeće su položili učenici Opće Gimnazije Tešanj i najmladi članovi Odreda izviđača Crni vrh Tešanj. Potom je u velikoj sali Centra za kulturu i obrazovanje održan koncert na kojem su nastupili Suad Selimović, bariton i Višnja Bakalar, klavir. Amir Brka, direktor Centra za kulturu i obrazovanje, je pozdravio prisutne, a općinski načelnik otvorio manifestaciju. Inače, Tešanjsko proljeće traje do 7. maja, kada će u Sportskoj dvorani biti održan Festival rada srednjih škola BiH.



DIGITALNI PAKET TV PROGRAMA UZ MJESEČNU NAKNADU OD 16 KM



Uz SET TOP BOX, koji vam obezbiđuje Telekabel, ovaj paket pruža mogućnost praćenja **više od 80 digitalnih TV kanala**, uz postojećih **48 analognih kanala** koji se i dalje mogu istovremeno pratiti na više TV prijemnika.

KAKO DO SVOG DIGITALNOG PRIJEMNIKA ZA SAMO 24h?



Osigurali smo dovoljan broj SET-TOP boxova za prijem digitalnog signala, a prijavu za digitalni kablovski paket možete izvršiti u prostorijama Telekabela ili **putem naše internet stranice [www.tin.ba](#)**.

TELEKABEL

Štrosmajerova 14, Zenica, Telefoni: 032/446-110, 032/446-111, [www.telekabel.ba](#), info@telekabel.ba

Ona i on – ljubav&život

Izložba „Ona i on – ljubav&život“ u Muzeju grada Zenice predstavila je, između ostalih slike, crteže i grafike Hame Ibrulja, Nives Kurtović, Berte Baruh Kamhi, Milana Marića i drugih. Postavljen je i filmski plakat koji kroz vrijeme predstavlja različitu percepciju seksualnih odnosa. Na izložbi su predstavljeni radovi autora Tomislava Perazića,



Murata Jašarevića, Muhameda Begića, Sande Vuković, Zdravka Cvjetkovića, Mirze Subašića, te iz fundusa: Hame Ibrulja, Nives Kurtović, Berte Baruh Kamhi, Milana Marića, Alije Kučukalića, Nađe Efendić i Fehima Avdića. Izložbu je selektirao i postavio Adnadin Jašarević.

Čimbur meze

Mjesna zajednica Dobojskih Kakanja u saradnji sa sekcijom planinara PD Bobovac i ove godine je organizovala „Čimburijadu“ na terenima Sportskog kompleksa FK Mladost. Bez obzira na prohладno vrijeme, proljeće se čekalo uz čimbur meze i puno „vatrene vode“.



Zenička čimburijada 2011

Tradicija obilježavanja prvog dana proljeća u Zenici traje stoljećima. Veliki broj ljudi okupljenih na obalama rijeke Bosne na prvim jutanjim zracima pripremaju čimbur, simbolično obilježavajući rađanje novog početka, proljeća. „Ab ovo“, tj. „od jajeta – od početka“ stara je latinska



poslovica koja simbolizira vječni ciklus ponovnog rađanja i neraskidive veze čovjeka sa prirodom. Njegovanjem tradicije obilježavanja prvog dana proljeća, Čimburijade, na generacije koje dolaze se prenosi ova iskonska mudrost i uči poštivanju prirode i njenih vječnih tokova.



www.zedoturizam.ba



Zlato u Sofiji

Najbolji bh. atletičar Hamza Alić pobjednik je 11. evropskog zimskog kupa u bacačkim disciplinama u Sofiji. Ovo takmičenje iz kalendara Evropske atletske federacije nezvanično se smatra evropskim zimskim prvenstvom u bacanju kugle, diskete, kladiva i kopljia. U konkurenciji 19 bacača kugle, 32-godišnji član Atletskog kluba Zenica najduži hitac u finalu postigao je u četvrtoj seriji rezultatom 20 m 21 cm. Drugo mjesto osvojio je Portugalac Marco Fortes (20,18), a treće Rus Soslan Tsirikov (19,45). Ovo je jedan od najvećih Alićevih uspjeha u karijeri,



a ostvario ga je nakon teške povrede, zbog koje je pauzirao više od godinu dana. Prije dvije sedmice Alić je na Evropskom dvoranskom prvenstvu u Parizu osvojio deveto mjesto rezultatom 19,60 m.

Plasman u završnicu prvenstva

Košarkaški klub „Nets“ iz Zenice je osigurao učešće svojih juniorskih i pionirskih sastava na državnom prvenstvu. Juniori su bili bolji od svojih gradskih rivala Kengura i uz Čelik



kao drugoplasirani izborili učešće na državnom prvenstvu. Pioniri su također izborili učešće na državnom prvenstvu kao prvaci ZDK. Dječaci rođeni 97 i mlađi su ostvarili ovaj sjajan rezultat, pod vodstvom trenera Almira Hamzića. I treća selekcija, predpioniri tj. (rođeni 1999. godine) su šest

kola prije kraja prvenstva osvojili prvo mjesto u ligi mlađih ZDK. KK „NETS“ svake godine daje najmanje po jednu, a ove godine i dvije selekcije za državno prvenstvo. Kako ističu u ovom klubu, njihova želja je da pioniri budu domaćini završnice Federalnog prvenstva u Areni u Zenici.

Poraz od starog rivala

Ragbijski Čelika doživjeli su poraz od starog rivala, beogradskog Partizana u trećem kolu 1. divizije Regionalne ragbi lige, na stadiонu Kamberovića polje. Ovo je bio pravi ragbijski spektakl u kome su obje ekipe prikazale borben ragbi i puno požrtvovanosti. Domaćini su na teškom terenu bili bolji u prvom, dok je gostima pripalo drugo poluvrijeme. Kraj su gosti dočekali uzdignutih ruku, a publika je aplauzom nagradila aktere ove odlične utakmice. U predigrki utakmice Čelik-Partizan odigrana je prijateljska



kadetska utakmica Čelika i Zenice '72 koja je završena neriješenim rezultatom 5:5. Prijateljsku utakmicu odigrali su i juniori Rudara i Partizana u kojoj su ragbijski Rudara zabilježili ubjedljivu pobjedu 31:0.

NAPRAVITE POSTER OD VAŠIH FOTOSA ŠTO VEĆI TO BOLJI

MOGUĆI KAO ZIDNA TAPEZA
B Panel ba Tel.032/411201

VAŠE USPOMENE NA VAŠEM ZIDU



Vodoravno: 1. Fotografija; 5. Nakana; 7. Otočić blizu Zadra; 9. Internet domena Angole; 10. Egipatski bog plodnosti; 11. Glasna disati u snu; 13. Riječni otok; 14. Ili, eng.; 15. Nadnaravan; 22. American Express, skr.; 23. Sjednica, zasjedanje, lat.; 24. Naučni zavod; 27. Uzvik bola; 28. Knjiga, zakon; 29. Umašćena; 31. Prema; 32. Njištati, oglašavati se kao konj; 34. Lako gori, zapaljiv; 36. Ime strip junaka Forda; 38. Drugi naziv za notu DO; 39. Učutkati; 41. Mističnost; 43. Ime glumca Marolta; 44. Neorganizovani ferment, enzim; 45. Šteka, ručka na bravi. **Uspravno:** 1. Ime i prezime ličnosti sa slike; 2. Hrvatska naftna kompanija; 3. Sudbina, ind.; 4. Slušalac, lat.; 6. Književnik ili umjetnik koji radi po maniru; 8. Žica na violinu; 12. Zemljinska knjiga; 16. Štikla; 17. Bolest zglobova; 18. Ono što ostane od nečeg; 19. Nadimak princeze Dijane; 20. Funcioner u Bosni za vrijeme vladavine Turaka; 21. Kirija, zakupnina; 25. Otrvni sastojak duhana; 26. Muško ime; 30. Stočna hrana iz silosa; 33. Ton; 34. Elastična tvar dobijena od kaučuka, mn.; 35. Koji su ljutog okusa; 37. Napad; 40. Biljarski štap; 42. Service Center, skr. **Rješenja iz prošlog broja:** aktuar, d, alge, import, sa, gar, munara, ene, nk, h, umiti, gzb, arka, ogulin, ne, spram, no, obuka, lišaj, vaterpolo, n, ilirka, numa, časa, omama, natura, eki, iskaz, minij.

IMPRESSUM: Magazin Superinfo izdaje "SUPERINFO" d.o.o. Zenica, Štrosmajerova 11. (zgrada Izgradnje, II sprat). Tel. 061 788 088, 063 992 100, 063 992 101, 063 992 102; www.superinfo.ba; superinfo@superinfo.ba; Reg.br. 043-0-Reg-002101, Matični broj 1-9625; PDV broj: 21855243000; Direktor Feda Jovanović, finansije Zumreta Tufekčić, urednik izdanja Ibrahim Muratović, redakcija: Fikreta Hadživadić, Emina Smajlagić; tehnički urednik Selver Omerović; Tiraž izdanja: 20.000 primjeraka; Štampanja Unioninvestplastika d.d. Semizovac bb, Reg. br. 1-17984

DISKONT MAXI

Goraždanska 28a
Radno vrijeme:
7,00 - 17,00 h.
Nedjelja: 7,30 - 14,00 h.



Persil 3 kg color
8,25



Tide 3kg
7,95



Domaci keks 250 gr Župa
1,10



Euroblok 100/1 15gr
6,00



Domace školjkice 220 gr
1,20



Štrudla Medela 175 gr
0,90



Špageti Pasta Rico 400 gr
0,95



Sentella tjestenina
0,65



Ajvar Bonum 1/1
2,55



Sir edamer 40% m.m. 1 kg
9,10



Jufka za pitu 500 gr
1,00



Govedi gulaš 200 gr
2,65



Haše 200 gr
2,00



Kokosja pašteta 100 gr
0,95



Osježivač spectra 300 ml
1,10



Seby vlazne maramice 70/1
0,95



Nescafe 3in1 5+1
1,80



Vino herc. Žilavka 1l
4,00



Krastavac 2400 gr
3,95

FISKALIZACIJA

DONESITE PRAVU ODLUKU - FISKALIZIRAJTE SE S NAMA!

Fiskalni uređaj kupujete da se njime služite tokom čitavog Vašeg poslovanja. Kada se odlučujete za fiskalni uređaj onda vodite računa da odaberete firmu koja posjeduje iskustvo u prodaji ovakve opreme, kao i u postprodajnim uslugama, odnosno servisiranju uređaja nakon prodaje. Ne dozvolite da vaši zahtjevi ne budu ispunjeni !!! Naše desetogodišnje iskustvo u ovom poslu Vam garantuje sigurno najbolju tehničku podršku i servis !!! ... Izborom preduzeća TEHНОMAX doo Zenica dobit ćete podršku stručnog osoblja, brzu i kvalitetnu uslugu, stručnu pomoć, korisne savjete, efikasnu isporuku, kao i garanciju na servis, uređaje i dijelove ... Zapamtite, mi smo tu zbog Vas!

ZAŠTO ODABRATI NAS ?

Najbolja ponuda fiskalnih uređaja - sve na jednom mjestu!

Imamo obezbjeđene ugovore sa svim važnijim proizvođačima fiskalnih uređaja koji su certificirani od strane Poreske Uprave te Vam nudimo sve na jednom mjestu po proizvođačkim cijenama i to uz mogućnost kupovine na rate, a svu proceduru nabavke uređaja završavate samo jednom posjetom našem salonu u Titovoj ulici. Sve raspoložive uređaje koji su certificirani od strane PU FBiH možete pogledati kod nas ... Ne trošite svoje vrijeme, posao fiskalizacije ostavite profesionalcima!

Kvalifikovano prodajno i servisno osoblje!

Za Vas smo pripremili poseban prostor u našem salonu gdje ćemo rado odgovoriti na sva Vaša pitanja, dati Vam savjete i prijedloge vezano za fiskalizaciju a naše dugogodišnje iskustvo u ovom poslu Vam garantuje najbolju tehničku podršku i servis. Nudimo Vam Ugovore o održavanju fiskalnih uređaja uz mnoge pogodnosti, telefonsku i e-mail podršku bez neplaniranih troškova za servis! Poklonite svoje povjerenje nama!

Besplatna implementacija propisanih procedura!

Zakonom o fiskalnim sistemima propisane su određene procedure koje ste Vi kao poreski obveznik, dužni izvršiti prilikom nabavke fiskalnog uređaja. U Vaše ime, mi besplatno preuzimamo obavezu izvršavanja propisanih procedura i time štedimo Vaše dragocjeno vrijeme!

Pogodnosti za kupce naših fiskalnih uređaja!

- * BESPLATAN UNOS DO 50 ARTIKALA U KASU prilikom fiskalizacije ...
- * BESPLATNO KORIŠTENJE GPRS USLUGE prva 3 mjeseca korištenja ...
- * EXTRA POVOLINE CIJENE POTROŠNOG MATERIJALA, ROLNI I TRAKICA uz besplatnu dostavu na adresu i mogućnost odgođenog plaćanja ...

ZBOG SVEGA GORE NAVEDENOG NAJVEĆI BROJ KUPACA JE SVOJU BRIGU O FISKALIZACIJI POVJERIO UPRAVO NAMA !

FISKALNA KASA BEST BA

NAJPOVOLJNIJA KASA na tržištu! ... U navedenu cijenu uključen je GPRS adapter i mali display za kupca
širina trake 28mm



kompletan sistem

499 KM bez PDV-a!

U ponudi je i model u PRINTER MOD-u koji omogućava povezivanje sa računarcem tako da istovremeno koristite kasu i da štampate račune preko računara koristeći program. Nadoplata na PRINTER MOD 90 KM

FISKALNI ŠTAMPAČ F555

NAJPOVOLJNIJI FISKALNI ŠTAMPAČ na tržištu za više zahtjevne korisnike! Kvalitetan uređaj za veleprodaje i preduzeća koja imaju potrebu za ispisom većeg broja računa putem računara i to na traci širine 57mm



BEST BUY!

u cijenu uključen GPRS
i display za kupca
raspoložive boje
bijela i crna

kompletan sistem

939 KM bez PDV-a!

TEHНОMAX

FISKALNE KASE

Tehnomax doo Zenica ... Titova 1 (fiskalni odjel, 2 sprat) ... telefon za informacije 442 442

SVE
NA JEDNOM MJESTU
INFORMACIJE I SAVJETI
PRODAJA I SERVIS
TEHNIČKA PODRŠKA
KUPOVINA NA RATE
 442 442
info@tehnamax.ba